



**Claudii Fleurii Abbatis Historia Ecclesiastica**

Ab anno Christi 1508. usque ad annum 1513

**Fleury, Claude**

**August. Vind. [u.a.], 1769**

**VD18 90118456**

§. 124. Rex copias ex Italia Anglorum bello revocare compulsus.

---

[urn:nbn:de:hbz:466:1-66433](https://nbn-resolving.de/urn:nbn:de:hbz:466:1-66433)

**Sæcul. XVI** animatum tranquilitate magis placatum fō  
 A.C. 1512. verent, nec non majori, ac ipse Pontifex  
 perspicacia omnino futura mala, quæ ex  
 nimio rigore oriri possent, proficerent,  
 Julio exponebant, quod consultius esset  
 si Ludovicum Regem, ut Cardinalem eo-  
 rum Confratrem liberum dimitteret, pre-  
 cibus urgeret, ipsamque anathematis  
 comminationem interim differret, donec  
 cuncta Regem flectendi media incassum  
 exhausta essent. Cessit Pontifex Cardi-  
 naliū confilio.

## §. CXXIV.

*Rex copias ex Italia Anglorum bello  
 revocare compulsus.*

**C**um igitur Ludovicus pacem a Papa  
 impetrare desperaret, bellum parare  
 compellitur, adeo tamen sinistro successu,  
 ut ipse Mediolanensi Ducatu penitus  
 exueretur, & Galli e tota Italia pelle-  
 rentur: quippe Anglorum exercitus, cu-  
 jus adventum minime suspicabatur, jam-  
 jam in limine regni sui constitit, ad om-  
 nem horam in Gallos irruere paratus.  
 Quocirca Ludovicus ducentos regii satel-  
 litii Nobiles, ac bis mille quingentos se-  
 lectioris militiæ pedites ex Italia revoca-  
 re cogitur. Præterea Jacobus Sily supre-  
 mus in Normannia ærarii Præfectus, Sta-  
 tusque Mediolanensis Procurator, cum  
 Regi suo obsequium præstare crederet,

*Perron in  
 Lib. XII.*

si eundem in Italia pariter tertia expen- Sæcul. XVI.  
A.G. 1512.  
sarum parte eximeret, omnes exteris co-  
pias dimisit, quas ad tuendum Medio-  
lani Ducatum antea conscriptas, jam ve-  
ro huic ditioni haud ultra necessarias exi-  
stimabat, nimia facilitate persuasus, Fœ-  
deratos post Ravennatensem cladem uni-  
ce intentos, ut proprios quisque status  
tueretur, de alienis vero minime solli-  
citos fore. Dimissis ergo sic copiis Palici-  
cio nonnisi mille trecenti cataphracti, pe-  
ditumque decem millia supererant, quæ  
tamen copiæ reprimendo hōstium incur-  
sui jamjam imminentि impares erant, in  
quibus rerum angustiis prehensus in San-  
severinate opem quæsivit, eum rogans,  
ut cum copiis suis, quæ Romandiolam  
defendebant, accederet. Cardinalis nul-  
la inora Palicii precibus annuens, præ-  
sidium Ravennatensi arci imposuit, cete-  
ras vero omnes Romandiolæ urbes civi-  
um fidelitati commisit, qui tamen a Gal-  
lorum præsidiariis exonerati, mox in Pon-  
tificis obsequium revertebantur; quam-  
vis ceteroquin propensum in bella Julii  
animum minus probarent.

## §. CXXV.

*Concilium Lateranense a Papa  
adornatum.*

Gallici exercitus numero in Italia val-  
de imminuto, necnon Palicio Duca-

B.b 5 tum